

古應芬先生著

孫大元帥東征

日記



上海图书馆藏书



A541 212 0009 9491B



大獲飛機揮擊敵人者萬人
本由鐵路來犯按此則敵人主力
營巴在廣九鐵路我應之者亦應
公在此着譚總司令所部由車開
用列新街江村一帶下車為
機德預備隊此令 孫文

民國五年十一月十八日

本營公用處

本營公用處

省西電悉敵人當然有計畫所幸其數

不多自是擊滅現紹基已親率五千精

銳出擊淡水見之後方斷無危險少氣聞

博羅被圍非常焦急已徵集所有壯士出

發大約兩日獲可到信之亦与全部來接

大約三日後其他西江北江各隊亦陸續調

來今日省城已運到米糧四十萬斤餘尚

大本營公用殘

陸續運來此次東江之事無人不焦急萬分斷

不致見危不救每想不出十日賊必消滅

●我保各軍後當再再來梅湖督改城

故望急調一部渡石沙堆一以絕敵人後

路一可保我航後聞敵人糧食輜重皆有風

門均附近若能照行此事可悉奪之則博

圍可解我軍實亦加利莫大也幸速圖之

孫文

民國十二年大元帥東征日記

十二年秋。西北兩江之賊。悉敗退。而東路之敵。仍有固頑抗。總理躬自督師。應芬於十二年八月二十三日。奉命隨軍。親傳左者八十餘日。嘗見其籌劃戰守。徵調各軍。審察形勢。措置彊弱。終日無斯須之暇。不以溽暑而少息。亦不因挫折而見沮。其堅剛勇邁之氣。求之於古所未曾有。而况於今哉。茲謹於日記冊中。撮其大概。以誌於篇。前乎此者。有蔣公介石參與戎幕。當有記述。茲未詳也。

民國十二年大元帥東征日記

一



233138

書

圖

先是六月。我軍第一師既平蒼梧之敵。而北江又爲北虜侵犯。曲江再失。已進至英德附近。我第一師復會合滇軍擊走之。曲江始與南雄相繼收復。時前東江陳逆各軍。仍據險負固。楊逆坤如。死守惠城。屢攻不能下。

總理決督率滇粵各軍。躬行討伐。擬以石龍爲大本營。調度軍事。八月二十三日。以大南洋輪船爲座駕。十二時向東江進發。下午九時許。抵石龍。時天氣奇熱。船復湫隘。總理所處之室。僅容一蓆。泰然無所苦。披圖握管。決策定計。晝夜不少息。從者雖欲陳請節勞。不

敢也。行營編制簡略。僅設秘書長一員。秘書一員。參謀副官各四員。偵緝及侍衛軍隊百十名而已。抵石龍之夜。許總司令崇智由博羅來謁。總理授以機宜。匆匆復返。蓋前方已屢將警報矣。

二十四日

上午八時。座駕船由石龍開動。向博羅進發。下午抵博羅。許總司令偕滇軍師長楊廷培來迓。許云。據報逆軍現分三路來襲。李逆易標率千餘衆。已抵去博羅二十餘里之湯村。陳逆修爵所部亦到。敵將接近。智不意。帥座冒險來此也。當夕泊博羅城南河岸。縣城先爲逆軍蹂

躡。居民流離遠徙。烟火闐寂。祇聞刁斗森嚴。與蟲聲而已。

二十五日

上午一時。許總司令偕團長鄧演達來。密語應芬曰。李逆易標已過湯村。決以全力率各部出擊。天明時。河岸必冒炮火。務轉懇帥座離去。許去後。應芬以此爲請。上午四時。船乃下駛。僅行四里。船擱淺。逾時始脫。已遙聞城下槍炮聲密作。十一時抵石龍。得從惠州飛鵝嶺到行營轉來博羅電報。謂我方兵力單薄。退守博羅飛鵝嶺待援。帥座一方電令張民達旅。以全力攻平山。以分博羅之敵。時又得增城

報告。林虎率衆來犯。乃命飛機傳達命令至廣州。檄調滇軍來援。是日。姚雨平君指陳緩敵之策。帥座以招撫使名義與之。使發博羅。但其部隊僅至蘇村而已。

二十六日

許總司令電。博羅飛鵝嶺先後失守。敵已佔銅鼓嶺北嶺一帶高地。北門已被圍。城中兵力單薄。糧彈將盡。帥座乃命飛機發博羅。使守城者知有援應。更命差遣艦載糧彈。冒險輸送。並親函許總司令囑其堅守。又屢電廣州。促援軍飛急來援。羽檄如雪片。而軍行轉緩。蓋

廣州滇軍待餉乃發。不問博羅諸守將被圍之急也。

二十七日

博城許行營陳參謀翰譽。從間道來報告云。博城東西北三門已受包圍。祇餘南岸。僅能與惠州飛鵝嶺劉行營通聲氣。糧彈兩絕。情勢益險。帥座雖急切。而援隊電告已準備。候至夜深。尙未見一卒到達。蔣光亮部在石龍者約有一旅。嚴令其前進。則以未得軍長命令爲言。是日大風雨。水漸長。帥座乃遣應芬回省。嚴促滇軍開進。且命曰。若滇軍索餉不克來。可先調福軍與鐵城所部即行。並以鐵城一團援

增城。應芬受命。以下午四時到省。見蔣光亮於沙面某洋行之樓上。蔣先語曰。吾知博羅之危急。即帥座無命令。吾部亦應馳援。汝即不來。吾已準備今晚出發。現所慮者。火車未備耳。芬即馳赴大沙頭車站軍車管理處詢問。知各車已完備。乃使人走告之。

二十八日

是日晨。應芬回石龍覆命。福軍前部奉令開到。吳鐵城所部已據報開抵增城。另遣馬隊數十名來供偵察。李軍長福林。朱軍長益之來覲。帥座喜慰有嘉。蔣光亮迄不見來。其所部亦不允前進。芬生平遇人說

誑語者。未有愈於蔣者也。是日鄭次長洪年。來陳各軍霸佔財權。及財政困難情形。前方軍需窘甚。行營金庫帶至萬元。已告罄。鄧運使澤如解到萬元。頃刻間。又爲滇軍支領殆盡。猶未移動也。

二十九日

連日大雨。石龍水高漲七尺。是日晨。滇軍羅旅得餉。已允赴敵。天明移動。帥座復由石龍向博羅前進。至禮村止焉。沿途風急雨躁。座駕舟小。顛簸甚。帥座安之。舟中於計劃軍事稍暇。而猶以民元以前革命史。紹示吾輩也。當博羅圍城之際。惠州逆軍更衝出飛鵝嶺

。劉行營告急。帥座親復電劉震寰云。敵人當然有計劃。所幸其數不多。自易擊滅。紹基已親率五千精銳。出擊淡水。兄之後方。斷無危險。少泉聞博羅被圍。非常焦急。已徵集所有。趕速出發。大約兩日後可到。信之亦以全部來援。大約三日後。其他西北江各隊。亦陸續調來。今日省城已運到米糧四十餘萬斤。當陸續運來。此次東江之事。無人不焦急萬分。斷無見危不救。想不出十日。賊必消滅。我俟各軍出發後。當再來梅湖。親督攻城。故望兄急調一隊渡白沙堆。一以絕敵人後路。一可保我航綫。聞敵人糧食輜重。皆在風門坳附近。

若兄能照行此事。可悉奪之。則博圍可解。我軍實亦加利莫大也。幸速圖之云云。

三十日

由禮村開赴蘇村。風雨繼至。水流激湍。座駕船阻於鐵崗。時吳部馬隊及福軍。爲風雨所滯。不能進。

三十一日

由鐵崗開抵蘇村。詎滇軍蔣部到着者不足五百人。蔣光亮亦不果來。幸博羅城外水漲數尺。敵不能逼近。僅於北門外山地。以砲遙擊而已。

。是日得譚組菴總司令由湘南來電報捷。

九月一日

帥座分令石龍到着各軍。及抵蘇村之福軍滇軍。攻擊前進。座駕船由蘇村向博羅開駛。至夜泊第七礮。乃令福軍及滇軍祿國藩一部。田鍾穀一部。登山警戒。帥座更飭副官於山顛架設烽火。使博羅城得瞭知主帥所在地。

二日

帥座由第七礮登土北嶺。察看形勢。其與展堂總參議函云「吾今日兼

盡一排長之職務。凡偵查敵情。考察地勢。吾悉爲之。」其時滇軍到石龍者。仍逗留不進。帥座下午。復回石龍督促。沿途見有零星隊伍。開來者總計不及三二百人。決不足以解博城之圍也。

三日

帥座在石龍時。蔣光亮大部到着。蔣仍不來。帥座令其參謀祿國藩來商軍事。且許以便宜指揮各軍之權。如解博羅圍。予以重賞。祿不惟不聽。且自由行動。索餉據艦。趙參謀寶賢責以大義。始允開拔一部。應芬密察其決不足恃。乃以電致展堂總參議。飛檄粵軍第一師來

石龍候令。其時左翼指揮胡謙方來電告急。帥座已令一師卓旅赴援增城。調援博羅之議。尙未得。帥座許可也。

四日

水大退。張師長民達來覲。報告淡水之捷。以阻於水。平山尙未得手。是日福軍全部開到。帥令滇軍祿國藩部爲右翼由雄鷄拍翼前進。福軍爲左翼。向義和墟前進。與博羅城內各軍取夾擊之勢。滇軍四師既到着。復以索餉未得。全隊引返。帥令止之。已無效。

五日

天氣晴。水大退。福軍既到着義和墟佈防。楊希閔由淡水來覲。帥座指示機宜。匆匆又去。是日電報。北海爲鄧本殷攻陷。帥令永豐艦往援之。

六日

福軍既達義和墟。滇軍祿國藩所部羅旅。不待命令。由第七礮棄陣地引回石龍。惟時右翼福軍不及知。猶叢陣待敵。帥座以水既退。敵若大舉攻城。城必不守。船室之內。見帥座懊恨蹠蹠。疾草命令。時復擊腦奮興。爲狀良苦。終決計親往察視。應芬尼止不及。二時抵

第七礮。泊塘子唇。飛機探報回。知敵尙在博羅東北角山地。未與我軍接觸。是晚泊第七礮南岸。入夜。帥座與諸幕僚稍憩河旁。猶指點天上北斗七星。使吾輩認識也。

七日

許行營報告。決定冲圍出擊計畫。惟援軍單薄。敵已移動。八時許。義和墟福軍已與敵千餘人接觸。田鍾毅率滇軍三百人。及卓旅張弛團一營。登雄鷄拍翼山嶺。帥座率侍從登山督戰。時左翼之福軍進至義和墟。初獲小捷。繼爲敵軍大隊所乘。不支引退。敵乃乘機大進。

沿義和墟以向蘇村。欲斷吾軍歸路。座駕船下午三時下駛。至蘇村時。遙見姚招撫使旗幟。詢之尙不見敵蹤。急促 帥座復返石龍。至藁蘭。時已深夜。黝黑間。遙見軍船聯舳上駛。應號知卓旅已至。即命加緊開赴蘇村。探險登陸。是夜泊宿石龍。

八日

晨。帥座復率楊廷培一部。由石龍開援。二時到着蘇村。卓旅與福軍已聯絡驅逐義和墟之敵。攻擊前進。

九日

座駕由雄鷄拍翼開至譚公廟。帥座率幕僚登山視察。時卓旅、福軍、楊部、分途追擊。下午。帥座復渡河。登山瞭望。知敵我兩軍。衝擊至烈。我軍節節勝利。

十日

博羅守軍楊廷培部。已衝圍攻佔銅鼓嶺。敵軍死傷甚夥。向派尾响水退却。博羅解圍。帥座進城撫慰。定追擊計畫。以卓旅五團向派尾。鄧團向惠陽。福軍向响水。楊師死傷太重。着回廣州休養。更下令獎楊廷培萬元。其餘論等賞犒。部署畢。以一師蟠龍艦。護送帥座

赴梅湖。察看重砲陣地。

十一日

當博羅急迫之際。平山未得手。帥座以蔣光亮不來博羅。乃使其全部出平湖。歸楊希閔指揮。以攻平山淡水之敵。時澳頭亦有失。帥座親電胡總參議。云「速由無線電。傳令永豐艦長。澳頭我軍退却。但兩日後可恢復。現楊總司令希閔。親率滇軍。由龍崗出擊淡水平山之敵。該艦長搜擊海上偷渡之敵。毋使漏網。并相機與楊總司令聯絡。協同動作。若無綫電不通。着鹽運使派安北艦傳令。并助永豐擊敵。再

。紹基已赴龍崗淡水矣。可慰也。」電發後。紹基即出發。是日晨。帥座巡視葫蘆嶺。飛鵝嶺。諸陣地。得東路捷報。我軍已克平山。

十二日

帥令。飛機隊向惠城拋擲實彈。

十三日

帥座再抵梅湖重砲陣地。親發五彈。時飛鵝嶺劉震寰部。久頓師於堅城下。不能破敵。帥座復親往巡視。嚴令謹守。以待大舉。

十四日

帥座回廣州。時增城之敵。亦爲朱吳各部擊退。

十八日

帥座以攻惠之部署稍定。復乘大南洋出發。隨行者。增王栢齡。馬曉軍等三人。

十九日

座駕船駐石龍。

二十日

座駕船到白沙堆。大元帥親赴飛鵝嶺。籌策攻惠城。午十一時到着

。桂軍各師長來迓。至炮兵陣地。時已爲惠城之敵窺見。未幾敵砲繼續向 帥座射擊。有距不尋丈者。從者多爲 帥座危。諭曰。但毋恐。蓋敵砲表尺已用盡。縱密發。不相及。其後敵彈密發。果於我無私毫損也。 帥座與各部商定攻城計畫後。命程部長潛。與參謀留飛鵝嶺。仍返梅湖。至中途。忽聞爆炸聲甚厲。未幾偵緝員趨來報告。白沙泊輪遇事。同時爆炸。飛機隊長楊仙逸。長洲要塞司令蘇從山。魚雷局長謝鐵良。遇難。 帥座聞之。哀傷不已。固不僅痛惜同志。蓋攻城計畫。實受一大打擊也。

二十一日

下令追贈楊仙逸陸軍中將。謝蘇恤典。同極優厚。帥座親察遇難地。血肉模糊。同行者爲之扼腕。午後。帥座復至梅湖重炮陣地。向惠城親發六彈。

二十二日

仍泊梅湖。攻城之計議。已改定爲翌日之夜半十二時。乃遣程部長潛。復赴飛鵝嶺主持攻城。是日下泊白沙堆。

二十三日

凌晨座駕從白沙堆復開梅湖發七彈。復回泊。夜半。飛鵝嶺與惠城方面。槍炮聲陡起。知攻城計已實施。先是預期二十一日總攻擊。楊謝遇難。魚雷盡燬。乃電省重運。乃改期本夜十二時。以魚雷炸城基。各部隊衝鋒前進。作拂曉戰。一方面以飛機拋擲炸彈。共同命令。各司其事。

二十四日

早得報告。魚雷失效。步隊死亡甚衆。卒不能破城。帥座雖不懌。然猶鼓勵將士。作第二次總攻擊焉。鄧團追擊已抵七女湖。開發橫瀝。

二十五日

座駕回博羅。

二十六日

許總司令至自橫瀝。帥座籌策全部軍事計畫。決以許任中央軍總指揮。楊希閔任右翼。朱培德任左翼。部署既定。

二十七日

帥座返廣州。留程頌雲於博羅。

十二年十月廿一日

帥座偕夫人。暨俄顧問鮑羅庭。及諸幕僚。巡視虎門要塞。悉調海防諸艦。會於虎門。後赴太平墟。

二十二日

得廖省長電。高州失陷。河源三日內不得援。恐不守。帥座復率各艦返廣州。

二十八日

據報。河源平山相繼失陷。省城謠言蠢起。

二十九日

敵將洪兆麟諸逆。已迫至平湖。蔣光亮部不戰。退至石龍。

三十日

許總司令電。林虎率賊攻柏塘派尾。我張莫卓各旅。及朱李各部擊退之。得槍數千桿。敵向黃麻坡潰退。帥令滇二軍范石生部。開赴石龍。將茶山樟木頭來犯之洪逆擊退。蔣部仍不進。

三十一日

劉震寰全部退出飛鵝嶺。

十一月三日

大元帥以飛鵝嶺桂軍不守。恐博羅有失。牽動全局。又聞各軍不進。乃改乘專車。向石龍出發。李參謀長協和亦隨行。十二時抵石龍。召胡思舜盧師諦范石生諸軍長。會議軍事。蔣光亮後至。帥座責令前進。彼云。今晚須返省。明日當再來。帥曰。今日祇有軍令。若返省。吾將以爾徇耳。蔣是夜不顧而去。

四日

各部隊伍。遵共同命令。拂曉出發。以范部主力軍肅清沿鐵路之敵。以達平湖。令胡思舜合東路一支隊。溯河岸橫達博羅。與許劉各軍聯

絡。上午九時。敵將鍾景棠熊略各部。犯茶山。范石生部迎戰。約一時許。擊退之。追至張坑。午間。帥座復乘專車赴橫瀝察視。敵瀕退時。瀝墟縱火。帥座到時。餘火猶未熄也。時李根澆部。由西江來附。亦開至橫瀝。

五日

胡思舜部遲不發。帥座乃命羅翼羣從水路赴蘇村。東路一支隊梁國一部出菴蘭。赴博羅。夜候。增城胡所長謙急報。林虎率隊千人佔龍門。犯增城。陳策李天德各部先退。帥座震怒。乃令朱培德胡思舜

部援之。

六日

許總司令博羅來電。與到軍出擊大勝。敵退回惠城。但冬日楊朱兩部未達到河源。我卓旅步隊鄧團佔迴石龍。是日右翼追擊已達樟木頭。李根澣部向鴨仔步。盧師諦至深圳。

七日

帥座返廣州。行營仍設石龍。

八日

追擊部隊范軍。已完到着鴨仔步。將由間道攻惠城。下午十二時。得急足報。中路及左翼軍爲敵所乘。退出博羅。許總司令是夜回石龍。桂軍滇軍。相繼退却。

九日

帥座得各軍退却之報。與李參謀長協和急乘車至石龍。少頃。滇軍已退至狗仔潭。東西路許劉各部已退至菴蘭。帥座嚴令制止無效。帥座即席召集會議。發令反攻。同時右翼已攻克鴨仔步。帥令賞給范部二萬元。令鼓舞攻惠城。以牽制敵之後方。

十日

賞朱培德楊希閔部各五千元。令反攻。東路西路各軍已續漸收容。帥令再退却者槍決。

十一日

晨。帥座移駐石灘車站。探報逆將鍾景棠熊略楊坤如洪兆麟各賊。沿河岸衝至菴蘭。我軍亦準備十二日拂曉分三路反攻。是夜一師長李濟琛等來見。帥座囑其明晨赴援增城。

十二日

天甫曉。石灘車站已遙聞增城方面砲聲。應芬慮李師及王師（中央軍朱部）未進。親赴石灘村（離車三里許中隔一河）敦促之。至則李師已行。而王之參謀長凌霄亦已跨馬督隊前進。應芬與羅君翼羣。向增城方面沿途探視。離石灘村數里。登一小山。見三二滇軍步哨在此瞭望。詢之。知敵人先已逼近。後爲我軍擊退。槍砲聲已自近而遠。旋覓歸路。途中聞東北方槍砲聲轉劇。知葇蘭鐵牆方面。我軍中右兩翼已有激戰。急回車站報告。至則得石龍參謀電告知葇蘭鐵牆兩方面戰甚烈。我軍似有不支之勢。望速派援。時則李根滢部在石龍。即檄其向

石灣前進。移時。令鄧副官彥華運米一車。分給石龍各軍。十一時許。車站站長來報。前方有兵數車。未得車牌遽行開來。中途似有危險。不移時。果有火車至。察之。則李根澐部也。李隨登車謁見。帥座仍令開石灣。攻擊前進。李即如命開進。迄下午十二時二十分。藁蘭鐵牆各軍并潰。已有大部退至石灘者。帥座急下車制止之。應芬與協和隨行。見沿鐵路皆潰兵。既不辨其爲何軍。亦不知其因何而退。詢其長官。則皆不知所在。但各潰軍得帥座喝令亦少阻不敢反走。旋見李根澐亦至。帥座曰。武城（根澐字）汝應率隊嚴守此間河岸。

。待敵至。以圖反攻。李唯唯。時有潰兵所乘之車開至。向帥座之車衝動。帥座之車乃逆行。帥座僅得上車。而沿鐵路之兵乃大奔。應芬不及隨行。祇得徒步追逐。至新塘復得登車。知帥座已乘機關車返省。心爲之一慰。到省之夜。知鄧副官彥華在石龍聞敗耗。即赴橫瀝報於范小泉。請其回援。范不待炊。即率隊來赴。卒破洪逆于石龍。幾溺斃之。使敵挫折不能窮追我軍。范之勞績。可紀也。應芬在歸途中默念如潰兵到省。數逾萬人。秩序必大亂。然當時實無法以處此。及抵省。知帥座早已派兵一部。在大沙頭悉繳散兵槍械。故

省城仍安堵如常。又電湘南譚組菴先生。尅日來援。不五日。譚部至矣。

應芬錄此日記既畢。謹爲之跋曰。民國十二年之初。以迄十四年中。粵之驕兵悍將。凡可以据產霸財。凌弱暴寡者。無一不至。使我粵民無時寧息。吾人當能記憶之。或有疑政府不予以處置者。觀於此。則知雖以先總理之誠。不能格此頑嚚。而當交戰之際。無可如何耳。不然。陳氏僅以不盈一萬之殘卒。猶得肆虐於東江。積年不能破者。豈無故哉。溯之當時能用命者。惟有粵軍。次則朱部。應調者。僅此而

已。然皆以轉戰經年。未得苟息。其幹部死亡過半。不耐於作戰。理有固然。不然。其將領猶今日之將領。而今異于昔者。從可知矣。他如范部之驍悍。茶山之役。石龍之役。近郊之役。其功未嘗不多。然破敵而不行窮追。殊使人不解其旨。劉(震寰)部之死守飛鵝嶺。當惠城地雷爆發之際。逾兩小時。不敢衝進。使敵人得以從容堵塞。其怯弱可哂。蔣(光亮)則不獨屢次抗命。在當時已有通敵形跡。於淡水龍岡。不交刃而遽退。足以證之。後以王秉鈞之投敵。而益顯。至如劉玉山。盧師諦。兩部。則等於兒戲。劉之殘毀博城。不獨先總理深

以爲憾。人民今日猶痛恨之。先總理有言。「兵力不足恃。惟主義乃足恃。」楊劉卒以通敵終。楊劉破而陳逆隨滅。革命軍所向皆捷。蓋以徵先總理之言可信矣。先總理數年之窘於危難者。以白鵝潭之役爲最。此役次之。前者則有蔣公介石蒙難記之記載。是役應芬親侍左右。故知之較詳。特補錄之。民國十五年三月十六日應芬補記。

民國十二年大元帥東征日記

孫中山先生遺教

本書為黃昌毅先生集孫先生遺教所編輯。全書含包四大部分：一、建國方略，二、建國大綱，三、三民主義，四、中國國民黨第一次全國代表大會宣言。

定價 平裝一元五角
洋裝二元

上海民智書局發行

廣(48)

中華民國十五年二月初版

民國十二年 大元帥東征日記 全一冊

每冊定價大洋一角

外埠酌加郵費匯費

版權所有 翻印必究

紀錄者 古 應 芬

印刷者 民智印刷所

發行者 民智書局

分售處 民智書局分店

總發行所 民智書局

上海河南路中市
九十九十一號

發(六九五)

上海图书馆藏书



A541 212 0009 9491B

世